



Inatsisartut ilaasortamut, Stine Egede
E-mail-ikkut inatsisartut@inatsisartut.gl-imut nassiuunneqarpoq

§ 37 naapertorlugu apeqqummut nr. 273/2018 ilanngaaserisut qimmiilu pillugit akissut.

Brevdato: 24-10-2018
Sags nr. 2018 – 21328/AN
2018-21493

Asasara Stine Egede

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Inatsisartut Suleriaasianni § 37, imm. 1 naapertorlugu, ilanngaaserisut qimmiilu pillugit Naalakkersuisunut apeqquteqarsimavutit. Apeqqut uannut akisassanngorlugu ingerlateqqinnejarpooq.

1. Naalakkersuisut ilanngaaserisunik qimmiilinnik sinerissami amerlanerusunik atorfinititsinissamut pilersaaruteqarpat?

- a) Apeqqut aappiuppat, qaqqut tamanna pissava?
- b) Akissut naamiuppat, soqq pilersaaruteqartoqanngilaq?

Ukiuni kingullerni Naalakkersuisut Akileraartarnermut Aqutsisoqarfimmut nioqutissat aamma inuit il. il. pillugit nakkutilliinermik suliaqarnermut aningaasanik amerlanerusunik tunniussisarput. Taamaattumik maannakkuugallartoq nakkutilliisunik qimmiilinnik amerlanerusunik atorfinititsinissaq pilersaarutigineqanngilaq.

Paassisutissiissutigineqarsinnaavoq, ukioq mannaannaq atorfinni nutaani pilersinneqartuni nakkutilliisunik 3-nik atorfinititsisoqarpoq. Taakku Ilulissani nakkutilliisunut 2-nut, Kangerlussuarmilu sulisut 1-imik ilanerisigut pilluni, taamaasillutik nakkutilliisunik qimmiilinnik 2-nik Kangerlussuarmiittoqalerpoq.

2. Naalakkersuisut lilanngaaserisut qimmiinik amerlisaanissamik pilersaaruteqarpat?

Apeqqut 1-imut akissut takuuk.

3. Ullumikkut ilanngaaserisut nunatsinni qimmiilit qassit pigineqarpat, sumilu angerlarsimaffeqarpat?

Akileraartarnermut Aqutsisoqarfik ullumikkut nakkutilliisunik qimmiilinnik katillugit 6-nik atorfefqartitsivoq, oktoberillu naanerani suli qimmimik ataatsimik peqalernissaq naatsorsutigineqarpoq.

Oktobarip naanerani nakkutilliisut qimmiilit amerlassusaat ima agguataarsimalissapput, Ilulissani 2-t, Kangerlussuarmi 2-t Nuummilu 3-t.

**4. Narsarsuarmi, Ilulissanilu mittarfinni isaaviusuni, ingammik aasaanerani,
aalaakkaasumik ikiaroornartunik ujaasisinnaasunik qimminik peqalernissaa
pilersaarutaava?**

Akileraartarnermut Aqutsisoqarfíup 2018-imi Ilulissani nakkutilliinermik suliaqartussanik nakkutilliisunik 2-nik atorfinititsinikuuvvoq.

Naalakkersuisut maannakkuugallartoq Narsarsuarmi aalajangersimasumik atorfinititsisoqarnissamut pilersaaruteqanngillat. Taamaattumik Narsarsuarmi nakkutilliisumik qimmiłimmik aalajangersimasumik sulisussamik pilersaaruteqartoqanngilaq, tassani suliassaq ukiup qanoq ilinerani nikerartumik qimmiłinnik sulisoqartarnermi, pingaartumik Nuummeersunik, kiisalu ukioq kaajallallugu nakkutilliinermik oqartussaasumik Mittarfeqarfíit najukkami sinniisumik suleqatiginerisigut, aaqqinniarneqarmat.

Narsarsuarmi imaluunniit Kalaallit Nunaanni sumiiffinni allani nakkutilliinissamut pisariaqartitseriasaarnerni, Naalakkersuisut isumaqarput Akileraartarnermut Aqutsisoqarfík tamatumunnga aningaasanik pisariaqartunik nuussisinnaasoq.

Inussiarnersumik inuulluaqqusillunga


Vittus Qujaukitsoq